

POPERA GA JUDA ÜMATÜXÛ

Jema jaxôgüxüxü narümoxê ga Juda

¹Pa Jaxôgüxü i Guxüwama Ngêxmagüxüx, chama i Juda nixi i pexçax chanaxümatüxü i nhaã popera. Rü chama nixi i Tiagueneê chiixü, rü Ngechuchu ja Cristuarü duüxü chixi. Rü pexçax chanaxümatü i pema na Tanatü ja Tupana pexü idexechixü rü pexü ngechaüxü rü Ngechuchu ja Cristu pexna dauxü. ²Rü pexçax chajumuxê na guxüguma Tupanaãxü pengechaütümüügüxüçax, rü pexü nataãxêxêgüxüçax, rü pexü nangechaüxüçax.

Duüxügü i doramaã ngüxêxêtaegüxüchiga

³Pa Chaueneëgü ja Pexü Changechaügüxex, noxri rü poraãcü choxü nangüchaü na pexçax chanaxümatüxü nachiga i ngêma maxü i taguma güxü i tüxü ngêxmaxü. Notürü nhuxma na petanügu nachocuxü i nhuxre i duüxügü i fjatoxêgüchaüxü i Tupanaãrü ore, rü ngêmacax chanaxwaxe na pexçax chanaxümatüxü na pexü chaxucüxêxüçax rü ípenapoxüxüçax i ngêma ore i aixcuma

ixixü ga nuxcüma wüxicanatama Tupana norü duüxügüna äxü. ⁴Rü ngêma duüxügü i pexü nawomüxêxêcüma petanügu chocuxü nixi i pexü ngüxêxêxü rü nhaxü:

“Tupana rü namecümaxüchi rü ngêmacax täxüütama pexü napocue ega woo chixri pemaxêgu”, nhaxü. Rü ngêxgumarüü ta tama nüxü nacuaxgüchaü ja tórü Cori ja Ngechuchu ja Cristu ja tórü jora ixücü. Notürü ngêma duüxügü i ngêmaãcü maxêxü, rü woetama nuxcü mama Tupanaãrü ore i ümatüxüwa rü marü nüxü nixu na Tupana tá napocuexü. ⁵Rü woo na marü nüxü pecuáxü notürü pexna nüxü chacuaxächixêxêchaü na nhuxãcü namaã nangupetüxü ga jema nuxcümaxügüxü ga Judêgü ga Muísêwe rüxixü. Rü tórü Cori ja Tupana rü poraãcü nüxü narüngüxêxê na Ejituanewa ínangüxüçax, notürü jixcaama rü nanadai ga jema tama naga ínüêchaüxü. ⁶Rü ngêxgumarüü ta pexna nüxü chacuaxächixêxê na nhuxãcü namaã nangupetüxü ga jema dauxüçüçax ga orearü ngeruügü ga noxri ixüünechiréxü notürü jixcaama nagagutama pecadu ügüxü. Rü jemacax ga Tupana rü êänexüwa nanawogü, rü

ngêxma nanapocue nhuxmatáta nawa nangu i ngêma ngunexũ i nagu tũxũ jacagũxũ. ⁷Rũ jexgumarũũ ta nũxũ nangupetũ ga guma ãnegũ ga Chodoma rũ Gomora rũ guma ãnegũ ga norũ ngaicamagugũne. Jerũ guma ãnecũãxgũ, rũ poraãcũ chixri nũgũmaã namaxê, rũ jemaçax ga Tupana rũ ùxũmaã ãnanagu. Rũ jemaãcũ inajanaxoxêẽ ga guma ãnegũ na jemawa tũxũ nũxũ nacuaçxêẽxũçax na nangêxmaxũ i wũxi i pocu naxçax i guxũma i ngêma chixexũ ùgũxũ.

⁸Notürũ woo ngêmaxũ na nacuaçxgũxũ i ngêma idoraexũ i petanũgu chocuxũ, notürũ norũ chixexũgu narũxĩnũẽama. Rũ poraãcũ chixri nũgũmaã namaxê, rũ tama tórũ Cori ja Tupanaga naxĩnũẽchaũ, rũ chixri Tupanaãrũ orearũ ngeruũgũ i dauxũcũãxchigagu nidexagũ. ⁹Rũ ngêma duũxũgũ rũ naẽchitamare nidexagũ rũ tama Tupanaãrũ orearũ ngeruũ ga Miguéurũũ nũgũna nadau i norũ orewa. Rũ guma Miguéu rũ woo guxũ i Tupanaãrũ orearũ ngeruũgũ i dauxũcũãxãrũ ãẽxgacũ na jĩixũ, notürũ tama ngoxo ga Chatanámaã naguxchiga ga jexguma Muĩsêxũnecax jéma nũgũmaã japoragatanũcũxgu, na nũxũ nacuaçxgũxũçax na texéarũ tá jĩixũ ga Muĩsêxũne. Notürũ nũma ga Miguéu rũ nhanagürũmare:

“Cori ja Tupana tá cuyũ naxoregũ”, nhanagürũmare. ¹⁰Notürũ ngêma duũxũgũ i doramaã i petanũgu chocuxũ, rũ tama Tupanaxũ nacuaçxgũãcũma chixri nachiga nidexagũ, rũ chixri norũ orearũ ngeruũgũ i dauxũcũãxchiga nidexagũ. Rũ nhama naẽxũgürũũ

naxũneãrũ ngũchaũwemare narũxĩ, rũ ngêmaãcũ namaxê. Notürũ ngêma chixexũ i naxũgũxũçax, rũ Tupana tá nanapocue. ¹¹Rũ wũxi i ngechaũxũchi nixĩ naxçax i ngêma duũxũgũ erũ ngêmaãcũ namaxê. Rũ Caĩ ga naẽneẽxũ imáxũrũũ nixĩgũ. Rũ ãẽxgacũ ga Baráurũũ dẽruçax chixexũ naxũgũ. Rũ Corérũũ tama Tupanaga naxĩnũẽchaũ, rũ ngêmacax Tupana tá nanapocue.

¹²Rũ ngêxguma tupaucawa tórũ Coriarũ õnacax pengutaquexegũgu, rũ wũxi i ãnexũchi nixĩgũ. Erũ narũcutanũxũ, rũ poraãcũ nachibũe rũ naxaxegũ, rũ nũgũguxicatama narũxĩnũẽ. Rũ nhama caixanexũ i ngearũ pucũãxũ i paanexũétũwa ùpetũxũ notürũ tama nanetũxũ ixajjagũxũrũũ taxuwama nime. Rũ ngêma nanetũgũ i ngêxguma norũ owa nanguxgu rũ tama ixoxũrũũ nixĩgũ. Rũ nhama naĩgũ i guxũma i naxchũmaxãmaã napuxũ rũ juxuchixũrũũ taxuwama nime i ngêma duũxũgũ. ¹³Rũ nhama juãpe i taxũ i norũ chixixũ i ãũãchixũ naxãnacũwa jataxũrũũ nixĩgũ, erũ poraãcũ chixexũ naxũgũ. Rũ nhama woramacurĩgũ ja nu ne naxĩmarecürũũ nixĩgũ. Notürũ Tupana rũ marũ namaã nanaxuegu na ngêma waanexũchixũwa guxũgutãma nawogũãxũ. ¹⁴⁻¹⁵Rũ nuxcũmaxũcũ ga Enoqui ga Adãũtaa ixĩcũ rũ ngêma duũxũgũchiga nidexa ga jexguma Tupana jadexaxêegu, rũ nhanagürũ:

“Rũ nũxũ chadau ja Cori ja Tupana na muxũchixũ i norũ orearũ ngeruũgũ i dauxũcũãxmaã núma ùcũ na duũxũgũna naçaxũçax i norũ maxũchiga rũ napocueãxũçax i guxũma i

ngêma duũxũgũ i chixexũ
 ũgũxũ rũ namaã
 guxchigagũxũ”,
 nhanagũrũ. ¹⁶Rũ ngêma duũxũgũ rũ
 ƣacũcax idexagũwaxexũchixũ nixĩgũ, rũ
 ƣoguãxũ ixuxwaxegũxũchixũ nixĩgũ. Rũ
 noxrũtama ngũchaũcax daugũxũ nixĩgũ.
 Rũ nũgũ icuãxũũgũxũ nixĩgũ. Rũ
 nũmaxũ meã tũmachiga nidexagũneta
 ja duũxẽgũ, na tũmaxũtawa ƣacũ na
 najauxgũxũcaxmare.

**Juda najaxucũxẽgũ
 ga jema jaxõgũxũ**

¹⁷Pa Chaueneẽgũ ja Pexũ
 Changechaũgũxex, ƣnũxna pecuãxãchie
 ga jema ore ga pemaã nũxũ jaxugũgũxũ
 ga tórũ Cori ja Ngechuchu ja Cristuarũ
 ngũexũgũ ga imugũxũ! ¹⁸Rũ nũmagũ rũ
 nhanagũrũgũ pexũ:

“Ngẽxguma nagũxchaũgu i naãne rũ
 tá nangẽxma i duũxũgũ i tá
 nũxũ cugũexũ i Tupanaãrũ ore
 rũ noxrũtama ngũchaũ i
 chixexũgumare maxẽxũ”,
 nhanagũrũgũ pexũ. ¹⁹Rũ ngêma
 duũxũgũ nixĩ i pexũ itojexũ na tama
 wũxigu perũxĩnũẽxũcax rũ tama meã
 pejaxõgũxũcax. Rũ nũmagũ rũ
 naxũneãrũ ngũchaũwe narũxĩ, rũ tama
 nawa nangẽxma i Tupanaãe i Ũnẽxũ.
²⁰Notũrũ pemax, Pa Chaueneẽgũ ja
 Pexũ Changechaũgũxex, ƣrũ pegũ
 perũngũxẽẽx na guxũguma jexeraãcũ
 nagu pexĩxũ rũ pejaxõgũxũ i ngêma ore
 i ũnẽxũ i marũ pejauxgũxũ! ƣRũ
 guxũguma Tupanaãe i Ũnẽxũãrũ
 ngũxẽemaã pejumuxẽgũ! ²¹ƣRũ meã
 pegũna pedaugũ na Tupana
 naxwãxexũãcũma pemaxẽxũcax rũ

pexũ nangechaũãcũma pexũ
 nangũxẽẽxũcax! ƣRũ meã ípenãgũxẽẽx
 i ngêma ngunexũ i nagu tá núma
 naxũxũ ja tórũ Cori ja Ngechuchu ja
 Cristu na nũxũ ingechaũtũmũũgũãcũma
 tũxna naxããxũcax i maxũ i taguma
 gũxũ! ²²ƣRũ pexũ nangechaũtũmũũgũ i
 ngêma tama aixcuma jaxõgũxũ, rũ
 nũxũ perũngũxẽẽgũ na meã
 jaxõgũãxũcax! ²³Rũ togũ, ƣrũ paxa norũ
 pecaduwa ípenajaxuchi na
 namaxẽxũcax rũ tama jima ũxũ ja
 Tupana mexẽẽnegu janatauxexũcax! Rũ
 woo ngêma tama jaxõgũchaũxũ, ƣrũ
 pexũ nangechaũtũmũũgũ! ƣNotũrũ
 pegũna pedaugũ na tama norũ
 chixexũgu pejixũcax! Rũ ngêma norũ
 chixexũ i pexcax mexcũraxũxũ, ƣrũ
 nũxũ pexo!

**Tupanaxũ jacuãxũũãcũma
 inajacuãxẽẽ ga norũ popera**

²⁴⁻²⁵Rũ jima wũxitama ja Tupana ja
 tórũ Maxẽẽẽruũ ixĩcũ, rũ nũxũ
 nangẽxma i pora na pexna nadauxũcax
 na tama pecadugu pejixũcax. Rũ nũxũ
 nangẽxma i pora na íjanaxoxẽẽãxũcax i
 guxũma i perũ chixexũgũ na
 petaãẽgũãcũma nũgũpexewa pexũ
 nagagũxũcax i ngextã ãẽxgacũ íjĩxũwa.
 Rũ ngẽmacax tanaxwãxe i tórũ Cori ja
 Ngechuchu ja Cristuẽgagu Tupanaxũ
 ticuãxũũgũ, erũ nũma rũ guxũãrũ jexera
 name rũ napora, rũ guxũẽtũwa
 nangẽxma, rũ guxũmaã inacuãx. Rũ
 jemaãcũ nixĩ ga nuxcũmaxũchima, rũ
 ngẽmaãcũ nixĩ i nhũxmax, rũ
 guxũgutãma ngẽmaãcũ jĩixũ.

*Rũ nuãma pexna,
 Juda*